



FEDERALNO MINISTARSTVO RAZVOJA,
PODUZETNIŠTVA I OBRTA

SMJERNICE ZA PODNOSIOCE PRIJAVA

za Projekat broj 3

„Poticaj za razvoj obrta i srodnih djelatnosti“

April, 2023. godine

Ciljevi projekta

Poticanje razvoja obrta i srodnih djelatnosti kroz sufinansiranje troškova nabavke opreme potrebne za proširenje i osavremenjivanje poslovanja, kao i pružanje mentoring usluga s ciljem unapređenja obrtništva odnosno povećanja kvaliteta proizvoda i rasta zaposlenosti.

Kriteriji za izbor korisnika sredstava:

R/b	Kriterij	Način raspodjele bodova	bod
1.	Namjena ulaganja sredstava	Oprema u funkciji osnovne djelatnosti	10
		Oprema nije u funkciji osnovne djelatnosti	0
2.	Vrsta djelatnosti	Područje C iz KD BiH 2010	5
		Ostala područja iz KD BiH 2010	0
3.	Izvor/ način finansiranja - Predviđeno vlastito učešće obrta u ukupnoj vrijednosti projekta	više od 70 %	15
		od 50 do 70 %	12
		od 40 do 50 %	8
		od 30 do 40 %	4
		30 %	0
4.	Povećanje uposlenosti	2 i više novouposlena	10
		1 novouposleni	5
		nisu planirani novouposleni	0
5.	Broj uposlenih	4 i više uposlenih	5
		2 do 3 uposlenih	3
		jedan uposleni	0
6.	Pripadnost ciljnoj skupini	Cilj. skupina mladi	4
		Cilj. skupina žene	3
		Cilj. skupina invalidi	3
7.	Ravnomjerni regionalni razvoj /indeks razvijenosti JLS	Grupa V	10
		Grupa IV	7
		Grupa III	4
		Grupa II	2
		Grupa I	0
8.	Poticaji od strane FMRPO-a u posljednjih 5 godina	Nije bilo poticaja	35
		do 5.000,00 KM	15
		od 5.000,00 do 10.000,00 KM	10
		od 10.000,00 do 15.000,00 KM	5
		više od 15.000,00	0

Bodovanje se vrši na način prikazan u tabeli

Izbor korisnika grant sredstava vrši Komisija za odabir korisnika sredstava. Komisiju za odabir korisnika sredstava imenuje Federalni ministar razvoja, poduzetništva i obrta.

Zadatak Komisije je da u skladu sa odredbama Pravilnika o postupcima u provođenju Programa razvoja male privrede („Službene novine Federacije BiH“, br. 50/13, 55/13 i 86/13) i na osnovu propisanih kriterija (navedeni u gornjoj tabeli) iz Odluke o usvajanju Programa utroška sredstava tekućih transfera i Javnog konkursa, izvrši rangiranje korisnika grant sredstava. Ukoliko zahtjevana poticajna sredstva budu veća u odnosu na planirana, Ministarstvo će raspodjelu istih izvršiti u skladu s utvrđenom rang listom do utroška planiranih sredstava.

Korisnik sredstava će biti dužan pravdati trošak ukupnih sredstava predviđenih za realizaciju projekta, kako vlastitih tako i sredstava Ministarstva, sa odgovarajućom dokumentacijom datiranom ne ranije od dana objave Javnog konkursa odnosno **12.04.2023. godine**.

Za sva neopravdana sredstva FMRPO će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti Projekta.

Korisnik sredstava ima obavezu da nabavku opreme iz Projekta kojim učestvuje u Javnom konkursu izvrši isključivo od dobavljača koji su PDV-obveznici.

Nakon obrade prispjelih prijava Ministarstvo će objaviti rezultate Javnog konkursa u „Službenim novinama Federacije BiH“ i na internet stranici Ministarstva www.fmrpo.gov.ba, a podnosioci prijava se neće pojedinačno obavještavati.

Korisnici sredstava

Obrtnici koji su registrovani u skladu sa Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ broj:75/21), koji imaju sjedište na području Federacije Bosne i Hercegovine, registrovani najkasnije do 31.12.2021. godine, **imaju iskazano pozitivno poslovanje u 2022. godini**, imaju najmanje 1 (jednog) zaposlenog, i čija je osnovna djelatnost iz sljedećih područja Klasifikacije djelatnosti Bosne i Hercegovine – KD BiH 2010:

C/23 - proizvodnja ostalih nemetalnih mineralnih proizvoda,

C/25 - proizvodnja gotovih metalnih proizvoda, osim mašina i opreme (osim grane 25.4)

C/32 - ostala prerađivačka industrija,

E - opskrba vodom, uklanjanje otpadnih voda, gospodarenje otpadom, djelatnosti sanacije okoliša,

H - prijevoz i skladištenje,

M - stručne, naučne i tehničke djelatnosti,

T - djelatnosti kućanstava koja proizvode različita dobra i obavljaju različite usluge za vlastite potrebe.

Obrtnici koji porez na dohodak plaćaju paušalno, nemaju pravo učešća.

Korisnici poticajnih grant sredstava Ministarstva u 2021. i 2022. godini ne mogu koristiti sredstva ovog projekta, osim korisnika poticajnih sredstava dodijeljenih po Uredbi o mjerama finansijske pomoći obrtima i ostalim samostalnim djelatnostima u Federaciji Bosne i Hercegovine u cilju ublažavanja negativnih posljedica pandemije COVID-19 i Projektu: „Subvencije privatnim preduzećima i poduzetnicima – Regresiranje kamata–Garancijski fond“.

SADRŽAJ PRIJAVE

Obavezni dijelovi prijave su:

I. Zahtjev za uključivanje u projekt

Pravilno popunjeno Zahtjev za uključivanje u projekat podrazumijeva da je navedeni zahtjev popunjeno elektronski i da su popunjena sva polja u zahtjevu.

II. Obrazac projekta

Pravilno popunjeno Obrazac projekta podrazumijeva da je navedeni obrazac popunjeno elektronski i da su popunjena sva polja u obrascu.

Poglavlje 1.-Sažetak projekta: Ukratko opisati elemente planiranog projekta, cilj i način na koji će on doprinijeti razvoju predmetnog obrta, te da li postoji potreba za mentoring uslugama.

Poglavlje 2.-Namjena utroška financijskih sredstava: Obrtnici mogu zahtijevati maksimalno 7.000,00 KM sredstava Ministarstva. Viši zahtjevani novčani iznos od dozvoljenog, znači automatsko odbacivanje prijave za dalje razmatranje.

Podaci o nabavci opreme: Navesti tražene podatke za opremu koju namjeravate nabaviti,

Učešće u realizaciji projekta: Upisati koliki iznos se finansira sredstvima ministarstva, a koliki vlastitim učešćem.

Poglavlje 3.-Mentoring usluge: Ukoliko ste zainteresovani za mentoring usluge¹ stručnih konsultanata staviti kvačicu u ponuđenom kvadratu. Dobivena sredstva u svrhu korištenja mentoring usluga subjekti su u obavezi uplatiti organizaciji koja pruža mentorske usluge. Eventualna dobivena sredstva u svrhu korištenja usluga mentoringa se ne unose u budžet projekta i ne utiču na maksimalan iznos traženih sredstava u Poglavlju 2.

Poglavlje 4.-Period implementacije projekta: Naveden je vremenski period u kojem će se projekat realizovati – maksimalno 6 mjeseci.

Poglavlje 5.-Povećanje uposlenosti: Navesti plan koliko novih radnika je predviđeno uposlititi realizacijom ovog projekta (nije obavezno povećanje uposlenosti).

Na kraju dokumenta obavezno navesti mjesto, datum i potpis odgovorne osobe, te staviti otisak pečata obrta.

III. Potrebna dokumentacija

- 1) Rješenje o registraciji od nadležnog općinskog organa, usklađeno sa Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ br: 75/21);
- 2) Uvjerenje o poreznoj registraciji (ID ili PDV broj);
- 3) Obavijest o razvrstavanju subjekta prema klasifikaciji djelatnosti (KD BiH 2010);
- 4) Uvjerenje od Porezne uprave Federacije BiH o izmirenim obvezama po osnovu poreza i doprinosa, **sa brojem ili listom osiguranih osoba za obveznika;**
- 5) Uvjerenje o izmirenim obvezama po osnovu PDV-a (ukoliko je PDV obveznik);
- 6) Specifikacija za utvrđivanje dohotka od samostalne djelatnosti (Obrazac SPR-1053) za 2022.god. (**Obrtnici koji porez na dohodak plaćaju paušalno, nemaju pravo učešća.**)
- 7) Potvrda o prebivalištu za vlasnika obrta (CIPS);
- 8) Uvjerenje o invalidnosti od nadležnog organa (ukoliko je vlasnik invalid);
- 9) Izjava o realizaciji projekta (I - 1);
- 10) Izjava o neosuđivanosti i nevođenju postupka po osnovu privrednog kriminala (I - 2);
- 11) Izjava o nesudjelovanju u koruptivnim radnjama (I – 3);
- 12) Izjava o korištenim pomoćima male vrijednosti (I - 4);

NAPOMENA:

Prijave podnositelaca koji ne budu uskladili svoje poslovanje sa Zakonom o obrtu i srodnim djelatnostima u Federaciji Bosne i Hercegovine („Službene novine Federacije BiH“ broj:75/21) biće odbačene i neće biti predmet daljeg razmatranja

Prijave podnositelaca koji ne budu uskladili šifre djelatnosti sa Klasifikacijom djelatnosti KD BiH 2010 biće odbačene i neće biti predmet daljeg razmatranja. Izbor korisnika vršit će se na osnovu šifre djelatnosti iz Obavijesti o razvrstavanju poslovnog subjekta prema djelatnosti, koju izdaje Zavod za statistiku Federacije BiH.

¹ Mentoring je sveobuhvatan proces podrške subjektima male privrede, a predstavlja zajednički rad mentora i subjekata male privrede u cilju prevazilaženja izazova i nalaženja najpovoljnijih rješenja za buduće poslovanje. Kroz ovaj pristup, subjekti će primiti ravnomernu, vremenski raspoređenu kontinuiranu podršku, radi postizanja što boljih rezultata. Proces mentoringa odvija se prema metodologiji Ministarstva, razvijenoj u saradnji sa Japanskom agencijom za međunarodnu saradnju (JICA). Metodologija određuje korake u procesu u okviru kojeg stručno lice-mentor, u direktnom kontaktu i radu sa subjektom male privrede, provodi određeni broj sati (najviše do 50 sati po korisniku). Odgovorno lice i mentor zajedno analiziraju: aktuelno poslovanje, trenutne izazove u cilju daljeg razvoja, najvažnije potencijale, te na osnovu konstatovanog stanja mentor i korisnik mentoring usluge pripremaju plan/projekat razvoja.

Svi dokumenti trebaju biti izdati od strane nadležnih organa. Priloženi dokumenti ne smiju biti starija od 3 (tri) mjeseca od dana objavljivanja Javnog konkursa u "Službenim novinama Federacije BiH", izuzev rješenja o registraciji, uvjerenja o poreznoj registraciji, obavijesti o razvrstavanju subjekata prema klasifikaciji djelatnosti, obrasca SPR-1053. Sve priložene kopije dokumenata trebaju biti ovjerene od strane nadležnih organa ovjerom ne starijom od 3 (tri) mjeseca od dana objavljivanja Javnog konkursa u „Službenim novinama Federacije BiH".

Obrasci izjava

Sve Izjave sa tekstrom koje je sačinilo ovo ministarstvo trebaju biti čitko popunjene i potpisane od strane odgovorne osobe – podnosioca zahtjeva.

Izjava I-1 i Izjava I-4 ovjerene pečatom firme.

Izjava I-2 i Izjava I-3 ovjerene od strane nadležnih upravnih organa ili notara.

Način podnošenja prijave

Prijave sa odgovarajućom dokumentacijom, šalju se preporučeno poštom u zapečaćenim kovertama na adresu:

**Federalno ministarstvo razvoja, poduzetništva i obrta
dr. Ante Starčevića b.b. (Hotel „Ero“) 88000 Mostar,
Ne otvarati – po Javnom konkursu za Projekat br. 3
„Poticaj za razvoj obrta i srodnih djelatnosti“**

Na poleđini koverti obavezno navesti:

- naziv podnosioca prijave;
- adresu i kontakt telefon;
- ovjeriti pečatom podnosioca prijave.

Prijave se dostavljaju zaključno sa 12.05.2023. godine (petak) odnosno prihvatić će se sve prijave koje imaju poštanski pečat najkasnije sa navedenim datumom.

Prijave će biti odbačene i neće biti predmet daljeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove ovog Javnog konkursa,

Pravo učestvovanja

Korisnici poticajnih sredstava koji do završetka ovog Javnog konkursa nisu izvršili svoje ranije preuzete obaveze po osnovu korištenja poticajnih sredstava Ministarstva, nemaju pravo učešća na ovom Javnom konkursu odnosno njihove prijave se neće uzeti u razmatranje.

Podnosioci prijave mogu podnijeti prijavu samo po jednom projektu iz ovog Javnog konkursa. U slučaju više prijava istog podnosioca po istom ili različitim projektima sve prijave će biti odbačene i neće biti predmet daljeg razmatranja.

Pravo na dodjelu finansijskih sredstava se može ostvariti samo po jednom javnom konkursu koji raspisuje ovo ministarstvo u tekućoj godini (kredit ili grant).

Nisu prihvatljive prijave subjekata male privrede koji imaju registrovanu djelatnost u oblasti namjenske industrije, proizvodnje i prerade duhana i igara na sreću.

Napomena

Za korisnike poticaja koji su preuzeli obavezu upošljavanja novih radnika, kao dokaz izvršene obaveze upošljavanja, koristit će se razlika brojčanog stanja radnika u trenutku podnošenja izvještaja o realizaciji utroška dodijeljenih finansijskih sredstava i trenutku prijave na Javni konkurs. Za korisnike poticaja koji nisu imali obavezu upošljavanja novih radnika, obavezno je zadržati broj uposlenih do trenutka podnošenja izvještaja o realizaciji utroška dodijeljenih finansijskih sredstava, što se dokazuje Listom osiguranih lica za obveznika izdatom od strane Porezne uprave Federacije BiH.

Sa podnosiocima prihvaćenih prijava Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Podnosioci prijava čije se prijave odbace, mogu uložiti prigovor Ministarstvu u roku od osam dana od dana objave rezultata Javnog konkursa u „Službenim novinama Federacije BiH”, radi provjere činjenica i objektivnosti ocjene aplikacije.

Sve dodatne informacije vezane za ovaj Javni konkurs mogu se dobiti isključivo putem elektronske pošte, najkasnije 7 dana prije isteka roka za podnošenje prijava na adresi: grant@fmrpo.gov.ba.

OBAVIJEST O REZULTATIMA KONKURSA ZA PODNOSIOCE PRIJAVA

Podnosioci prijava će biti obaviješteni o rezultatima Javnog konkursa putem web stranice Ministarstva i Službenim novinama Federacije Bosne i Hercegovine.

Predviđeni vremenski okvir za finalizaciju procesa odabira je sljedeći:

AKTIVNOST	DATUM
Objava Javnog konkursa	12.04.2023. godine
Krajnji rok za dodatne upite i pojašnjenja	05.05.2023. godine
Krajnji rok za podnošenje prijava	12.05.2023. godine
Obavijest o preliminarnim rezultatima Javnog konkursa	45 dana od krajnjeg roka za podnošenje projektnih prijedloga (okvirno)
Potpisivanje ugovora sa odabranim MSP	30 dana od dana objave preliminarnih rezultata (okvirno)
Krajnji rok za implementaciju projekata	6 mjeseci od dana potpisivanja ugovora